

陽

春

白

雪

陽春白雪第三卷目錄

摸魚兒 三

風流子

陶仙

新荷葉

蝴蝶

齊天樂

河涼

解連環

長中序第一

醜奴兒慢 二

水鵲慢

石州影

三 姝媚

喜遷鶯

燭影搖紅 四

天香

燕春臺

東風第一枝 二

夢橫塘

解連環

瑞鶴仙

金盞子

木蘭花慢四

瑞鶴仙令

杏花天二

臨江仙

糖多令二

卜算子三

南鄉子三

眼兒媚四

清平樂二

梅花引三

朝中措三

戀繡衾二

夜行船

小重山

玉樓春

瑞鶴仙令

浣溪沙二

烏夜啼

更漏子

朝中措

南歌子二

夜遊宮

生查子

陽春白雪卷第三

臨濮 趙 聞禮 立之選

摸魚兒

辛幼安

更能消幾番風雨忽忽春又歸去惜春長恨花開早  
何況落紅無數春且住見說道天涯芳草無歸路怨  
春不語算只有殷勤畫鴛蛛網盡日惹飛絮長門  
事準凝佳期又誤蛾眉曾有人妬千金莫買相如賦  
脉脉此情誰訴君莫舞君不見玉環飛燕皆塵土閑  
愁最苦休去倚危闌斜陽正在烟柳斷腸處

又潮

前人

望飛來半空鷗鷺須臾動地鼙鼓截江組練驅山去  
鏖戰未收貔虎朝又莫悄悄慣得吳兔不怕蛟龍怒風  
波平步看紅旆鷺飛跳魚直上感踏浪花舞 憑誰  
問萬里長鯨吞吐人間兒戲千弩滔天力倦知何事  
白馬素車東去堪恨處人道是子胥冤憤終千古功  
名自誤漫教得陶朱五湖西子一舸弄烟雨

又九日登姑蘇臺

盧申之

怪西風晚來歌帽年華還是重九天機袞袞山新瘦  
客子情懷誰剖微雨後更鴈帶邊寒裊裊欺羅袖慵  
荷倦柳悄不似黃花田田照眼風味儘如舊 登臨

地寂寞崇臺最久闌干幾度搔首翻雲覆雨無窮事  
流水斜陽知否吟未就但衰草寒烟尚畧愁時候閑  
愁浪有總輸與淵明東籬醉舞身世付盃酒

風流子

賀方回

何處最難忘方豪健放樂五雲鄉綵筆賦詩禁池芳  
草杏鞦調馬鞞路垂楊綺筵上扇偎歌黛淺汗裛舞  
羅香蘭燭伴歸繡輪同載閑花別館隔水深坊零  
落少年場琴心漫流怨帶眼偷長無奈占林燕月欺  
鬢吳霜念北里音塵魚封永斷便橋烟雨鶴表相望  
好在後庭桃李應記劉郎

又

康伯可自叙云昔賀方回作此道都成  
舊游僕詞居積海醉中忽有歌之者用

其聲律再賦一闋恨方  
回久下世不見此作

結客少年場繁華夢當日賞風光紅燈九街買移花  
市盡樓十里特地梅粧醉魂蕩龍跳擣萬字鯨飲吸  
三江嬌隨鈿車玉驄南陌喜搖雙槳紅袖橫塘天  
涯歸期阻衡陽鴈不到路隔三湘難見謝娘詩好蘇  
小歌長漫自惜鸞膠朱弦何在暗藏羅結紅綬消香  
歌罷淚沾宮錦襟袖淋浪

又

陸務觀

佳人多命薄初心慕德耀倏梁鴻記綠窓睡起靜吟

閑詠句翻離合格變玲瓏更乘興素紈留戲墨纖玉  
撫孤桐蟾滴夜寒水浮微凍鳳牋春麗花研輕紅  
人生誰能料堪悲處身落柳陌花叢翻羨畫堂鸚鵡  
深閉金籠向寶鏡鸞釵臨粧常晚繡茵牙版催舞還  
慵腸斷市橋月笛燈院霜鐘

又

史邦卿

紅樓橫落日蕭郎去幾度碧雲飛記窓眼遮香玉臺  
粧罷馬蹄敲月沙路人歸如今但一鶯通信息雙燕  
說相思入耳舊歌怕聽金縷斷腸新句羞染烏絲  
相逢南溪上桃花嫩嬌樣淺澹羅衣恰是怨深腮赤

愁重聲遲悵東風卷陌草  
迷春恨軟塵度戶花悞幽  
期多少寄來芳字都待還伊

又

孫花翁

三疊古陽關輕寒喋清月  
滿征鞍記玉笋攬衣翠叢  
親贈繡中溫臉金柳初攀  
自回首燕臺雲掩萼鳳閣  
雨闌珊天有盡頭水無西  
注髻難留黑帶易成寬

啼妝東風悄菱花在擬倩  
錦字封還應想恨蛾凝黛  
慵髻堆鬟奈情逐事遷心  
隨春老夢和香冷歡與花  
殘閑煞唾茸窓閣十二屏山

又

吳彥高

書劍憶遊梁當時事底處不堪傷蘭棹嫩漪向吳南  
浦杏花微雨窺宋東牆鳳城外燕隨青步障絲惹紫  
遊繩曲水古今禁烟前後綠楊樓閣芳草池塘 四  
首斷柔腸年芳但如霧鏡髮成霜猶賴蟻尊陶寫蝶  
夢悠揚聽出塞琵琶風沙漸瀝寄書鴻鴈烟月微茫  
不似海門潮信猶到潯陽

瑞鶴仙 壽細君

趙介菴

記長亭折柳問畫堂樂事燕鴻難偶十年漫回首但  
亭亭紫蓋差差南斗傳聞小有種桃花親煩素手待  
歸來道骨仙風縹緲迥然非舊 清畫江南如畫紫

菊冬前翠橙霜後扁舟渡口佳客至奉名酒喚青鸞  
起舞雲窓月檻一曲山明水秀笑相看玉海別來淺  
如故否

新荷葉

全前

欲暑還涼如春有意重歸春若歸來任他鶯老花飛  
輕霜澆雨似晚風欺得單衣檐聲驚醉起來新綠成  
圓 回首分攜光風苒苒菲菲曾幾何時故山疑夢  
還非鳴琴再撫將清恨都入金徽永懷橋下繫船溪  
柳依依

撲蝴蝶

晏小山

風梢雨葉綠過江南岸思歸倦客尋芳來最晚酒邊  
紅日初長陌上飛花正滿淒涼數聲弦管怨春短  
玉人應在明月樓中畫眉懶魚箋錦字多時音信斷  
恨如去水空長事與行雲漸遠羅衾舊香餘暖

齊天樂 蟋蟀

姜堯章

庾郎先去聲自吟愁賦淒淒更聞私語露濕銅鋪苔侵  
石井都是曾聽伊處哀音似訴正思婦無眠起尋機  
杼曲曲屏山夜涼獨自甚情緒西窓又吹暗雨為  
誰頻斷續相和砧杵候館吟秋離宮弔月別有傷心  
無數幽詩漫與笑離落呼燈世間兒女寫入琴絲一

聲聲更苦

宣政間有士大夫製蟋蟀吟

賀新涼

劉後村

深院榴花吐。畫簾開。練衣紈扇。好風清暑。兒女紛紛  
誇結束。新樣釵符艾虎。早已有遊人觀渡。老大逢場  
慵作戲。任奪標。年少爭旗鼓。溪雨急。浪花舞。靈均  
標致高如許。憶生平。既紉蘭佩。更懷椒醕。誰信騷魂  
千載後。波底垂涎角黍。又說是蛟饞龍怒。把似而今  
醒到了。料當年。醉死差無苦。聊一笑。吊千古。

解連環

陸務觀

淚淹粧。薄背東風。佇立柳綿池閣。漫細字書滿芳牋。

恨釵燕笋鴻總難憑託風雨無情又顛倒綠苔紅萼  
仗香醪破悶怎禁夜闌酒醒蕭索 劉郎已忘故約  
奈重門靜院光景如昨儘做它別有留心便不念當  
時兩意初著京兆眉殘怎忍為新人梳掠儘今生拚  
了為伊任人道錯

霓裳中序第一

姜堯章

亭皋正望極亂落江蓮歸未得多病都無氣力況紈  
扇漸疎羅衣初索流光過隙歎杏梁雙燕如客人何  
在一簾淡月仿佛照顏色 幽寂亂蛩吟壁動庾信  
清愁似織沉思年少浪迹笛裏關山柳下坊陌墜紅

無信息漫暗水涓涓溜碧漂零久而今何意醉卧酒  
壚側

醜奴兒慢

潘元質

愁春未醒還是清和天氣對濃綠陰中庭院燕語鶯  
啼數點新荷翠鈿輕泛水平池一簾風絮纔晴又兩  
梅子黃時 忍記那回玉人嬌困初試單衣共攜手  
紅窓描繡畫扇題詩怎有如今半牀明月兩天涯章  
臺何處應是為我感損雙眉

又

盧中之

湘筠展夢還是帶恨欹枕對千頃風荷涼艷水竹清

陰半掩。色紗幾回小語。月華侵。娉婷何處。回首畫橋  
朱戶沈沈。聞道近時題紅傳素。長是霑襟。想當日  
冰弦彈斷。總廢清音。準擬歸來扇。鸞釵鳳巧相尋。如  
今無奈。七十二峯。剗地雲深。

夜飛鵲慢

盧申之

驕嘶破清曉。分恨臨期。花下恁月明知。餘光是處散  
離思。最憐香靄霏霏。牽衣裋彈淚粉。問淒風愁露剗  
地東西。留鞭換珮。怕匆匆已。是遲遲。涼怯幾番羅  
袂。還燕別文梁。螢點書帷。一自秋娘迢遞。黃金對酒  
爭忍輕攜。新來院落。燕難尋。簾幕長垂。怕彫梧敲徑

驚回舊夢應也顰眉

石州引

謝勉仲懋  
靜寄

日脚斜明秋色半陰人意淒楚飛雲特地凝愁做弄  
晚來微雨誰家列院舞困幾葉霜紅西風送客聞砧  
杵鞭馬出都門正潮平洲渚無語匆匆短棹滿載  
離愁片帆高舉京洛紅塵因念幾年羈旅淺顰輕笑  
舊時風月逢迎別來誰畫雙眉嫵回首一銷凝望歸  
鴻容與

三姝媚 過都城舊居

吳君特

湖山經醉慣漬春衫啼痕酒痕無限又客長安歎斷

襟零袂浣塵誰浣紫曲門荒  
泐收井風搖青蔓對語  
東隣猶是曾巢謝堂雙燕  
春夢人間須斷但怪得  
當時夢綠能短繡屋秦箏  
傍海棠偏愛夜深開宴舞  
歌歌沈花未減紅蘭先變  
疇久河橋欲去斜陽淚滿

喜遷鶯

曉行

孫居敬

宿醒初愈更花燭頻催葉焦重舉  
濃露沾叢酸風入  
樾黃葉馬頭飛舞夢結尚依  
征旆笛怨誰教漁譜村  
路轉見寒機燈在晨炊人語  
無據堪恨處殘月滿  
襟不念人羈旅天接山光雲拖  
鷓影多少別離情緒  
繡被香溫密疊羅帕粉痕重  
護這滋味最不堪兩鬢

菱花羞覩

燭影搖紅

吳大年 億

臘雪初消麗譙吹罷單于晚使君千騎起班春歌吹  
香風暖十里珠簾盡卷正人在蓬壺閨苑賣薪買酒  
立馬傳觴昇平重見誰識遨頭去年曾侍傳相宴  
至今衣袖帶天香行處氤氳滿已是春宵苦短且莫  
遣歡遊意懶細聽歸路壁月光中玉簫聲遠

又

趙虛齋

乍冷還暄小春時候今朝轉三分歷日二分休鏡裏  
清霜滿雲幕低垂不捲矮窓明紅麟初暖老來活計

白酒三盃黃庭一卷 萬里關河朔風吹到邊聲遠  
倚樓脉脉教歸鴻誰會愁深淺最苦山寒日短但梅  
花相看歲晚何人金屋巧轉歌鶯慢調箏鴈

又

孫花翁

一朵鞋紅寶釵壓髻東風溜年時也是牡丹時相見  
花邊酒初試夾紗半袖與花枝盈盈開秀對花臨景  
為景牽情因花感舊 題葉無憑曲溝流水空回首  
夢雲不入小山屏真个歡難偶別後知他安否輾紅  
街清明還又絮飛春盡天遠書沉日長人瘦

又

翁賓陽

樓倚春城瑣窓曾共巢春燕  
人生好夢比春風不似  
楊花健舊事如天漸遠  
奈情緣素絲未斷鏡塵埋恨  
帶粉栖霞曲屏寒淺  
環珮空歸故園羞見桃花面  
輕烟殘照下闌干  
獨自踈簾捲一信狂風又晚  
海棠花隨風滿院  
亂鴉歸後杜宇啼時  
一聲聲怨

天香 牡丹

趙虛齋

蜀錦移芳巫雲散彩  
天孫剪取相寄金屋看嬌玉臺  
凝眄尚憶舊家風味  
生香絕艷說不盡天然富貴臉  
嫩渾疑看損肌柔  
只愁吹起花神為誰著意把韶  
華總歸姝麗  
可是老來心事不成春思  
却羨錦袍帝

子調曲曲清平似翻水早晚金鸞東風歡醉

燕春臺

張子野

麗日千門紫烟雙闕瓊林又報春四殿閣風微當時  
去燕還來五侯池館屏開探芳菲走馬天街重簾人  
語鞦韆車懸遠近輕雷 雌觴霞灩翠幙雲飛楚腰  
舞柳宮面妝梅金猊夜暖羅衣暗裊香煤洞府人歸  
放笙歌燈火樓臺下逢萊猶有花上月清影裴徊

東風第一枝

元夕

史邦卿

酒館歌雲燈街舞綃笑聲喧似簫鼓太平京國多歡  
大酺綺羅幾處東風不動照花影一天春聚耀翠光

金縷相交冉冉細吹香霧  
羞醉玉少年丰度懷艷  
雪舊家伴侶閉門明月闌心倚窓小梅索句吟情欲  
斷奈嬌俊知人無據想袖寒珠絳藏香夜久帶愁歸去

又春雪

巧沁蘭心偷粘草甲東風欲障新暖漫疑碧瓦難留  
信知暮寒較淺行天入鏡做出輕鬆纖軟料故園  
不捲重簾誤了乍來雙燕青未了柳回白眼紅欲  
斷杏開素面舊遊憶著山陰厚盟遂妨上苑寒爐重  
煖便放慢春衫針線恐鳳靴挑菜歸來萬一灞橋相

見

夢橫塘 晚行

劉行簡

浪痕經雨髣影吹寒曉來無限蕭瑟野色分橋剪不  
斷溪山風物船繫朱藤路迷煙寺遠鷗浮沒聽疎鐘  
斷鼓似近還遙驚心事傷羈客 新醅旋壓鷺黃拈  
清愁在眼酒病縈骨繡閣嬌慵爭解說短封傳憶念  
誰伴塗妝縮鬢嚼蕊吹花弄秋色恨對南雲此時悽  
斷有何人知得

解連環

謝勉仲

鴈空遠逸襯魚鱗浪淺護霜雲薄念故人千里音塵  
正山月朦朧水村依約見說瑤姬擁十二碧峯如削

倚孤芳澹佇冷笑歲華可堪寂寞情多為誰瘦弱  
愛吹簫弄粉斜辜珠箔自然林壑精神想回首東風  
萬花羞落夢遠南樓對皓月忍思量著但銷凝夜闌  
酒醒教聲畫角

瑞鶴仙

郭從範

雲階連月地記舊遊身在溫柔鄉裏花陰透窓綺羅  
食擁殘夢流鶯驚起銀瓶水沸待梳粧屏風共倚看  
情眉恨眼宿粉賸香亂愁無際長記多情消滅宋  
玉連塙茂陵同里離懷似水天涯路歎愁悵想鴛機  
織錦鸞臺窺鏡秦絲幽怨未已好歸去共把琴書倚

嬌扶醉

金盞子

王聖與

雨葉吟蟬露草流螢歲華將晚對靜夜無眠稀星散  
時度絳河清淺甚處畫角淒涼引輕寒催燕西樓外  
斜月未沉風急鴈行吹斷 此際怎消遣要相見除  
非待夢見盈盈洞房淚眼者人似冷落過秋紈扇痛  
惜小院桐陰空啼鴉零亂獸獸地終日為伊香愁粉  
怨

木蘭花慢

大外集不載

万俟雅言

恨鶯花漸老但芳草綠汀洲縱岫壁千尋偷錢萬疊

難買春留梅花鄉來始別又怱怱結子滿枝頭門外  
垂楊岸側畫橋誰繫蘭舟悠悠歲月如流歎水覆  
香難收凭盡闌往往擡頭舉眼都是春愁東風晚來  
更惡怕飛紅拍絮入書樓雙燕歸來問我怎生不上  
簾鉤

又

于湖先生

紫簫吹散後恨燕子只空樓念壁月長虧玉簪中斷  
覆水難收青鸞送碧雲句道霞烏霧鎖不堪夏情與  
文梭共織怨隨宮葉同流人間天上兩悠悠暗淚  
洒燈篝記谷口園林當時驛舍夢裏曾遊雲屏低聞

笑語奈醉時言語醒時愁擬把菱花一半試尋高價  
皇州

又別西湖詩僧

盧申之

嫩寒吹客棹載酒去載詩歸政紅葉漫山清泉漱石  
多少心期三生溪橋話別悵薜蘿猶惹翠雲衣不似  
今番醉夢帝城幾度斜暉鴻飛烟水瀾瀾回首處  
只君知念吳江鷺憶孤山鶴怨依舊東西高峯夢醒  
雲起是瘦吟窓底憶君時何日還尋舊約為余先寄  
南枝

又

朱希真

折芙蓉弄水動玉珮起秋風正柳外閑雲溪頭淡月  
晚帶疎鐘人間厭謫墮久恨霓旌未返碧樓空且與  
時人度日自憐懷抱誰同 當時種玉五雲東露冷  
夜耕龍念瑞草成畦瓊蔬未採塵染衰容誰知素心  
未已望清都絳闕有無中寂寞歸來隱几夢聽帝樂  
冲融

瑞鶴仙令

補足李重光詞

康伯可

櫻桃落盡春歸去蝶翻金粉雙飛子規啼恨小樓西  
曲屏朱箔晚惆悵卷金泥 門巷寂寥人去後望殘  
烟草低迷閑尋舊曲玉笙悲闕山千里恨雲漢月重

規

杏花天 慈寧殿春晚出遊

□城柳色藏春絮，嫩綠滿遊人歸路。殘紅賸惹留春住，無奈霏微細雨。南陌上，玉轡鈿車，悵紫陌青門日暮。黃昏院落，人歸去，猶有流鶯對語。

又

史直翁

魂夢飛過屏山曲，見依舊如花似玉。天寒翠袖依脩竹，兩點春山鬪綠。披衣起，開愁萬斛。正月澹梅花照屋，重溫繡被薰清馥。不管明燒畫燭。

臨江仙

全前

憶昔來時雙髻小，如今雲鬢堆鴉綠。窓冉冉度年華，  
秋波嬌滯酒春筍。慣分茶，居士近來心緒懶，不堪  
老眼看花。畫堂明日隔天涯。春風吹柳絮，知是落誰  
家。

糖多令

劉改之

蘆葉滿汀洲，寒沙帶淺流。二十年重到南樓。柳下繫  
船猶未穩，能幾日，又中秋。黃鶴斷磯頭，故人今在  
不舊江山，都是新愁。欲買桂花重載酒，終不似少年  
遊。

又

吳君持

何處合成愁，離人心上秋。縱芭蕉不雨也，颼颼都道  
晚涼天氣好，有明月怕登樓。年事夢中休，花空烟  
水流。燕辭歸客尚淹留，垂柳不禁裙帶住，漫長是繫  
行舟。

卜算子 詠梅

陸務觀

驛外斷橋邊，寂寞開無主。已是黃昏獨自愁，更著風  
和雨。無意苦爭春，一任羣芳妒。零落成泥碾作塵，  
只有香如故。

又

康伯可

潮生浦口雲，潮落津頭樹。潮本無心落，又生人自來。

還去 今古短長亭送往迎來處老盡東西南北人  
亭下潮如故

又

高賓王

屈指數春來彈指驚春去檐外蛛絲網落花也要留  
春住 幾日喜春晴幾日愁春雨十二雕闌一曲屏  
題偏傷春句

南鄉子

晏叔原

綠水帶春潮水上朱樑小渡橋橋上女兒雙笑靨妖  
嬈倚著闌干弄柳條 月夜落花朝減字偷聲按玉  
簫柳外行人回首處迢迢若比銀河路更遙

又

吳大年

江上雪初消暖日晴烟弄柳條認得裙腰芳草路魂  
銷曾折梅花過斷橋滿鬢為誰彫長恨金閨閉阿  
嬌遙想晚妝呵手罷天饒更傍朱昏暖玉蕭

又

薛子新

柳色鐸重樓樓上輕寒不滿鉤堆徑落紅深半指悠  
悠飛絮蘆櫂幾許愁逐日望歸舟暖鵝全寬玉臂  
講侍得君來春去也休休未老鴛鴦早白頭

眼兒嬌

賀方回

蕭蕭江上荻花秋做弄許多愁半竿落日兩行新鴈

一葉初舟 惜分長怕郎先去直待醉時休今宵眼  
底明朝心上後日眉頭

又

高續古

翠簾低護荷金堂獨自未快粧梨花新月杏花新雨  
怎奈昏黃 春今不管人相憶欲去又相將只消相  
約與春同去須到伊行

又梅

求退翁 齊愈

霏霏疎影轉征鴻人語暗香中小橋斜渡曲亭深院  
水月朦朧 人間不是藏春處玉笛曉霜空江南樹  
樹黃岳密雨綠蕙薰風

又

洪平齋

平沙芳草渡頭村  
綠過去年痕  
遊絲下上流鶯來往  
無限銷魂  
綺窓深靜人歸晚  
金鴨水沉溫  
海棠影下子規聲裏立  
盡黃昏

清平樂

劉武子之翰

萋萋芳草怨得王孫老  
瘦損腰圍羅帶小  
長是錦書來少  
玉簫吹落梅花曉  
寒猶透  
輕紗驚起半屏幽  
夢小窓淡月啼鴉

又

全前

鴛鴦翡翠小小池塘水  
落絮遊絲花滿地  
日闌干

獨倚 金刀裁就春衫起來初試輕寒滿把相思清  
恨題詩欲寄江南

梅花引

蔡伯堅

春陰薄花冥漠金銜三月初行樂碧紗春玉奩人蟬  
飛霧鬢風前立畫裙 浮花酒浪分餘漚嬌甚春愁  
生遠碧犀心通暖芙蓉此時不恨蓬山千萬重

又

清陰陌狂踪跡朱門團扇香迎客牡丹風數苞紅冰  
香撲蕊新粧誰為容 蠟燈春酒風光夕錦浪龍鬚  
花六尺月波寒玉琅玕無情又是華星送寶鞍

又

王公明

裁征衣寄征衣萬里征人音信稀  
朝相思暮相思滴  
畫真珠如今無淚垂  
閨中幼婦紅顏少應是玉闌  
人更老幾時歸幾時歸  
開畫牡丹看看到荼蘼

朝中措代譚得稱作

陸務觀

怕歌愁舞懶逢迎  
粧晚託春醞  
總是向人深處當時  
枉道無情  
關心近日啼紅  
密訴剪綠深盟  
杏館花  
陰恨淺畫堂銀燭嫵明

又

王武子

畫眉人去掩蘭房  
金鴨懶薰香  
有限只彈珠淚無人

與說衷腸 玉顏雲鬢春花夜月辜負韶光閑看枕  
屏風上不如畫底鴛鴦

又

蕭則山

半山社雨欲黃昏燕子不過門楊柳染深綠意海棠  
啼損紅痕 綺寮粧束寶釵歌舞玉枕溫存一段舊  
情有味十分新恨無言

戀繡衾

不知名

元宵三五酒半醺馬蹄前步步是春鬧市裏看燈去  
喜金吾不禁夜深 如今老大都休也未黃昏先閉  
上門待月到牕兒上對梅花如對故人

又

史邦卿

吳梅初試澗谷春夜幽幽江鴈叫雲人正在孤窓底  
被濃愁薰破醉魂 兩窓只剩殘燈影伴羅衣無限  
淚痕瘦骨怕紅綿冷記年時斗帳夜分

夜行船

曲水濺裙三月二馬如龍鈿車如水風飈游絲日烘  
晴畫人共海棠俱醉 客裏光陰難可意掃芳塵舊  
游誰記午夢醒來小窓人靜春在賣花聲裏

小重山

漳州紅梅

姜堯章

人遠湘臯月墜時斜橫花樹小浸愁漪一春幽事有

誰知東風冷香遠茜裙歸 鷗去昔游非  
遙憐花可夢依依九疑雲香斷魂啼  
相思血都沁綠筠枝

玉樓春

王初寮

飛鴻只解留箏柱終寄青樓書不去  
手因夢裏有携時眼到花梢無著處  
金泥小字相思句淚濕羅衣  
今在否不知無定向來雲又作多情  
何處雨

瑞鶴仙令

徐國子

西子湖邊春正好輸他公子王孫  
落花香趁馬蹄溫暖烟桃葉渡晴日  
柳枝門中有能詩狂處士閑將  
一鶴隨軒百錢買隻下湖船就他  
弦管裏醉過杏花

天

浣溪沙

韓子師考古

一縷金香永夜清  
殘編未掩古琴橫  
繡衾寒擁寶缸明  
坐聽竹風敲石磴  
旋傾花水漱春醅  
落梅和雨打簾聲

又

耿時舉元鼎

獨鶴山前步藥苗  
青山只隔過溪橋  
洞宮深處白雲飄  
碧井卧花人寂寂  
畫廊鳴葉雨瀟瀟  
漫題詩句滿芭蕉

烏夜啼

陸放翁

金鴨餘香尚暖綠窓斜日偏明蘭膏香染雲鬟膩釵  
溜滑無聲冷落秋千伴侶闌珊打馬心情繡屏驚  
斷瀟湘夢花外一聲鶯

更漏子

王聖與

日銜山山帶雪笛弄晚風殘月湘夢斷楚魂迷金河  
秋鴛飛別離心思憶淚錦帶已傷憔悴蛩韻急杵  
聲寒征衣不用寬

朝中措

郭從範

青燈聽雨夜荒涼歸夢苦難長坐想玉奩鴛錦空餘  
臂粉衣香枕邊共語牕前執手簾外啼粧也是平

生薄倖須還幾度思量

南歌子

前人

玉釵浮瓊蟻金盃吐翠虬醉鄉歸路接溫柔暗卜幽  
期低約笑藏閣索去眉先鎖將言淚已流小窓移  
火更遲留自別燈花油澆玉搔頭

又

徐山民

簾影從金線爐烟篆翠絲菰芽新出滿盆池喚取玉  
瓶添水養魚兒意取釵蟲碧慵梳髻翅垂相思無  
處說相思笑把畫羅小扇覓春詞

夜游宮

陸永仲維之

東風瘦就腰兒細，繫滴粉裙兒不起。從來只慣掌中  
看，怎忍在花燭影裏。酒紅應是鉛華褪，暗感損眉  
峯。雙翠夜深，點點鞦韆鞋兒，靠那屏風立地。

生查子

放翁妾某氏

只知愁上眉，不識愁來路。窗外有芭蕉，陣陣黃昏雨。  
逗曉理殘粧，整頓教愁去。不合畫春山，依舊留連  
住。

陽春白雪卷第三終

陽春白雪第四卷目錄

暗香

疎影

桂枝香

鶯啼序

蘭陵王

賀新郎 三

徵招

角招

八寶粧

氏州第一

齊天樂 四

玲瓏四犯

八聲甘州 二

宴山亭

水龍吟 二

滿江紅

錦堂春

滿江紅

念奴嬌

水龍吟

木蘭花慢

念奴嬌 二

瑞鶴仙 二

青房並蒂蓮

錦堂春

念奴嬌

長相思慢

清平樂 十二

阮郎歸 四

菩薩蠻 二

好事近 三

浪淘沙 三

醉落魄 二

謁金門

浣溪沙

清平樂 二

春光好

點絳脣 五

浣溪沙 二

卜算子 二

浪淘沙

採桑子

踏莎行

陽春白雪卷第四

臨濮 趙 聞禮 立之選

暗香

姜堯章

辛亥之冬予載雪詣石湖止既月投  
簡索句且做新聲作此兩曲石湖把  
玩不已使工技隸習之音節諧婉乃  
命之曰暗香疏影 仙呂宮

舊時月色弄幾番照我梅邊吹笛喚起玉人不管清  
寒與攀摘何遜如今漸老都忘却春風詞筆但怪得  
竹外疎花香冷入瑤席 江國正寂寂歎寄與路遙  
夜雪初積翠尊易泣紅萼無言耿相憶長記曾攜手  
處千樹壓西湖寒碧又片片吹盡也幾時見得

疎影

苔枝綴玉有翠禽小小枝上同宿客裏相逢籬角黃  
昏無言自倚脩竹昭君不慣胡沙遠但暗憶江南江  
北想玳瑁月夜歸來化作此花幽獨 猶記深宮舊  
事那人正睡裏飛近蛾綠莫似春風不管盈盈早與  
安排金屋還教一片隨波去又却怨玉龍哀曲等恁  
時再覓幽香已入小窓橫幅

桂枝香

張宗瑞

梧桐雨細漸滴作秋聲被風驚碎潤逼衣篝線裊蕙  
鑪沈水悠悠散月天涯醉一分秋一分憔悴紫蕭吟

斷素牋恨切夜寒鴻起 又何苦淒涼裏負草堂春  
綠竹溪空翠落葉西風吹老幾番塵世從前諳盡江  
湖味聽商歌歸興千里露侵宿酒疎簾淡月照人無  
寐

鶯啼序

高疎寮

屈原九歌東皇太一春之神也其詞淒  
惋含意無盡略采其意以度春曲

青旂報春來了玉鱗鱗風旒陳瑤席新奏琳琅窈窕  
來爲嘉祉桂酒洗瓊芳麗景暉暉日夜催紅紫湛青  
陽新沐人聲澹蕩花裏 光汎崇蘭圻遍桃李把深

心料理共攜手衡室蘭房奈何新恨如此對佳時芳  
情脉脉眉黛感羞寒瓊珥析微馨聊寄相思莫愁如  
水青蘋再轉淑思菲菲春又過半矣細雨濕香塵  
未曉又止莫教一鴉無聊羣芳疊疊傷情漠漠淚痕  
輕洗曲瓊桂帳流蘇暖望美人又是論千里佳期杳  
渺香風不肯為媒可堪玩此芳芷春今漸歇不忍  
零花猶戀餘綺度美曲造新聲樂莫樂此新知思美  
人兮有花同倚年華做了功成如委天時相代何日  
已悵春功非與他時比殷勤舉酒酬春春若能留口  
還亦喜

蘭陵王

高賓王

鳳蕭咽花底寒輕夜月蘭堂靜香霧翠深曾與瑤姬  
恨輕別羅中淚暗疊情入歌聲怨切殷勤意欲去又  
留柳色和愁為重折十年迥淒絕念髻怯瑤簪衣  
褪香雪雙鱗不度烟江濶自春來人見水邊花外羞  
倚東風翠袖怯正愁恨時節南陌阻金勒甚望斷  
青禽難倩紅葉春愁欲解丁香結整新歡羅帶舊香  
宮蓮淒涼風景待見了盡向說

賀新郎

劉改之

老去相如倦向文君說似而今怎生消遣衣袂京塵

曾染處空有香紅尚軟料彼此魂消腸斷一枕新涼  
眠客舍聽梧桐夜雨秋聲顫燈暈冷記初見樓高  
不放珠簾捲晚妝殘翠鈿狼藉淚痕凝臉人道愁來  
須殢酒無奈愁多酒淺但寄恨焦琴紈扇莫鼓琵琶  
江上曲怕荻花楓葉俱淒怨雲萬疊寸心遠

又

全前

水浴芙蓉淨護濃香避開半斂靚粧臨鏡長憶耶溪  
薰風裏年少紅顏照映夜露冷酒隨香醒回首當時  
同舟侶為相思怕折瓊瑤柄千萬縷意難整玻璃  
三萬六千頃洗精神塵埃盡絕曼然端整浪蕩年來

都慵問愛此濃情淡性侍移種雲根玉井太一真人  
今何在取高花十丈供烟艇來伴我泛清影

右改之荷花辭子得于王樂道家所藏  
墨蹟愛其老手飄然塵外恐與深山大  
澤俱理持拈出以示識者云

又贈建康鄭玉脫藉

劉叔擬仙倫

鄭玉非娼女歎塵緣未了依然被春留住腸斷胭脂  
坡上路有甚心情意緒生怕入梨園歌舞寂寞陽臺  
雲雨散算人間誰是吹簫侶空買斷兩眉聚 新來  
鏡裏驚如許暗傷懷柳老花殘幾番春莫事逐孤鴻

人已去月落千山杜宇念修竹天寒何處不戀瑣窓  
并繡戶妾從前薄命甘荆布誰為作解條主

徵招

張宗瑞

飛鴻又作秋空字悽悽舊游湘浦涼思帶愁深眇蒼  
茫何許歲華知幾度奈雙鬢不禁吟苦獨倚危樓葉  
聲搖莫玉欄無語 又素欲傳將故人遠天涯屢驚  
回顧心事只琴知漫問相爾汝甚時江海去算空負  
白蘋鷗侶更誰與剪燭西窓且醉聽山雨

角招

晚寒薄苔枝上剪成萬點冰萼暗香無處著立馬斷

魂情雪籬落橫溪略約恨寄驛音書遼邈夢遠揚州  
東閣風流舊日何郎想依然林壑離索引杯自酌  
相看冷淡一笑人如削水雲寒漠漠十萬游仙同駢  
霜鶴幾多幽約正月滿瑤臺珠箔夢斷闌干寂寞盡  
分付許多愁城頭角

八寶粧

吳夢窓

夢醉芙蓉風落近渾疑珮玉丁東翠微流水都是惜  
別行蹤宋玉秋花相比瘦賦情更苦似春濃小黃昏  
紺雲暮合不見征鴻宜城當時放客認燕泥舊迹  
迥照樓空夜闌心事燈外敗壁哀蛩江寒夜楓怨莫

怕流作題情勝斷紅行雲遠料涪娥人在秋香月中

成州第一

劉天游

冰縮寒流川凝凍霭前迴鷺渚冬晚燕閣紅爐馳峯  
翠釜曾憶花柔酒軟雲海滄洲甚又寄南來客鴈洒  
雪未門回撓刺曲鏡華霜滿萬里銀霄凝望眼恁  
吟袖畫闌空暖樹帶潮墟笳鳴古戍羨仲宣幽怨想  
愁思春近也隨宮繡時寬一線昨夜扁舟夢湖山眉  
橫黛淺

齊天樂

史邦卿

闌干只在鷗飛處年年怕吟秋興斷浦沈雲空山擷

雨中有詩愁千頃波聲未定望舟尾拖涼渡頭籠暝  
正好登臨有人歌罷翠簾冷 悠然魂墮故里奈閑  
情未了還被吹醒拜月虛簷聽蛩環砌誰復能憐嬌  
俊憂心耿耿寄桐葉芳題冷楓新咏莫遣秋聲樹頭  
喧夜永

又

高賓王

碧雲缺處無多雨愁與去帆俱速倒葦沙闊拈蘭渚  
冷寥落寒江秋晚樓陰縱覽正魂怯清吟病多依黯  
怕緝西風袖羅香自去年減 風流江左久客舊游  
得意處朱簾曾捲載酒春晴吹簫夜約猶憶玉嬌香

怨塵棲故苑  
歎壁月空簷  
夢雲飛觀送  
絕征鴻  
楚峯烟數點

又游胡園古感

翁時可

曲廊連苑吹笙道  
重來暗塵都滿  
種石主雲移花帶  
月猶欠藏春庭院  
年年過眼便梅謝  
蘭銷舞沈歌斷  
露井寒蛩為誰清  
夜訴幽怨  
人生樂事最少  
有時得意處  
光陰偏短  
樹色凝紅  
山眉弄碧  
不與朱顏相戀  
臨風念遠  
歎蝶夢難追  
鷺盟重換  
一片斜陽  
送人歸騎晚

又

吳君特

烟波桃葉西陵渡十年斷魂潮尾古柳重琴輕鷗叙  
別陳迹危亭獨倚涼颺乍起渺烟磧飛帆莫山橫翠  
但有江花共臨秋鏡照憔悴 華堂燭暗送客眼波  
回盼處芳艷流水素骨凝冰柔蔥蘢雪猶憶分水深  
意清尊未洗夢不濕行雲漫沾殘淚可惜秋宵亂蛩  
疎雨裏

玲瓏四犯

李肩吾

子我  
號嶺洲

初撥琵琶未肯信知音真個稀少盡日芳情縈繫玉  
人懷抱須待化作楊花特地過舊家池沼想綺窓刺  
繡遲了半縷茜茸微繞 舊時眉嬾貪相惱到春來

詞集卷之四  
一  
為誰濃掃新歸燕子都曾識不敢教知道長是倦出  
繡幙向夢裏重謀一笑怎得同攜手花暗月地把愁  
勻了

八聲甘州 秋登靈岩

吳夢聰

渺空烟四遠是何年青天墜長星幻蒼崖雲樹名娃  
金屋殘霸宮城箭逕酸風射眼膩水染花腥時鞞雙  
鴛響廊葉秋聲 宮裏吳王沈醉倩五湖倦客獨釣  
醒醒問蒼波無語華髮柰山青水涵空闌干高處送  
亂鷗斜日落漁汀連呼酒上琴臺去秋與雲平

又過松江

馮深居

買扁舟載月過長橋回首夢耶非問往日三  
萬古繼者伊誰惟有茶烟輕颺零露濕蕤絲  
西子知何處鴻怨蛩悲遙想家山好在正倚  
天青壁石瘦雲肥甚拋奇躡秀椽鶴互猜疑  
歸去好散人相國迥升沈畢竟總塵泥須還  
我松間舊隱竹上新詩

宴山亭

張功甫

幽夢初回重陰未開曉色吹成疎雨竹檻氣寒蕙  
曉聲搖新綠暗通南浦未有人行纔半啟迴廊  
朱戶無緒空望極寬旌錦書難據苔徑追憶曾  
游念誰伴秋千綠繩芳柱犀奩黛捲鳳枕雲孤  
應也幾番凝竚

怎得伊來花霧繞小堂深處留往直到老不教歸去

水龍吟

曾純甫

楚天千里無雲露華洗出秋容淨銀蟾臺榭玉壺天  
地參差桂影鴛瓦寒生畫簷光射碧梧金井聽昭華  
半夜江梅三弄風嫋嫋良宵永攜手西園宴罷下  
瑤臺醉魂初醒吹簫仙子駭鸞歸路一襟清興鷓鴣  
樓高建章門迥星河耿耿看滄江潮上丹楓葉落浸  
闕山冷

又登惠山酌泉

吳夢窓

艷陽不到青山古陰冷翠成秋苑英娃點黛江妃擁

多情宋玉舊來空替人愁  
溫柔鄉解老秋不絲竹  
間秦謳向橙橘香邊持螯把酒聊伴清游騷人自應  
念遠與黃花評泊晉風流明日純鱸興動待尋江上  
歸舟

念奴嬌 秋娘之感

蔡伯堅 蕭閒

念奴玉立記連昌宮裏春風相識雲海茫茫人換世  
幾度梨花寒食華萼霓裳沈香水調一串驪珠濕九  
天飛上叫雲邊斷箏笛 老子陶寫平生清音裂耳  
覺庾愁都釋澹澹長空今古夢只有此聲難得湓浦  
心情落花時節還對天涯客春溫玉盞一聲洗盡冰

雪

又

棋聲特地把十年春夢恍然驚  
覺楊柳樓心歌舞地  
曾寄一枝柔弱翠幌重來玉環  
不見鸚鵡言猶昨  
秦箏別後知他幾換弦索  
前度韻曲周郎尊前重見  
千種愁難替猶勝元都人去後  
空怨殘紅零落綠葉  
成陰桃花貪子枉恨東風惡  
盈盈淚眼向人欲下還  
閣

瑞鶴仙

俞國寶

春衫和淚著  
又燕入江南  
鴈蹄衝岳  
東風曉來惡  
遠

西園無緒淚隨花落愁鐘怕角夢無憑難成易覺到  
春來易感韓香頓減沈腰如削離索挑燈占信聽  
鶻求音不禁春弱雲輕雨薄陽臺遠信難託念盟釵  
一敗鸞光兩破已負秦樓素約但莫教嫩綠成陰把  
人誤却

又

吳夢窓

晴絲牽緒亂對滄江斜日花飛人遠垂楊暗吳苑正  
旗亭烟冷河橋風暖蘭情蕙眄惹相思春根酒畔又  
爭知吟骨縈銷漸把舊衫重剪淒斷流紅千浪缺  
月孤棲總難留燕歌塵凝扇侍憑信拚分鈿試挑燈

欲寫依還不忍賤幅偷和淚卷記殘雲剩雨蓬萊也  
應夢見

青房並蒂蓮

王聖與

明本誤附  
美成集後

醉凝眸是楚天秋曉湘岸雲收草綠蘭紅淺淺小汀  
洲芰荷香裏鴛鴦浦恨菱歌驚起眠鷗望去帆一片  
孤光棹聲伊軋櫓聲柔 愁窺汴堤翠柳曾舞送當  
時錦纜龍舟擁傾國纖腰皓齒笑倚迷樓空令五湖  
夜月也羞照三十六宮秋正朗吟不覺回橈水花楓  
葉兩悠悠

錦堂春 中秋

前人

露掌秋深花蘂漏永那堪此夕新晴正纖塵飛盡萬  
籟無聲金鏡開奩弄影玉壺盛水侵稜縱簾斜樹隔  
燭暗花殘不礙虛明美人凝恨歌黛念經年間阻  
只恐雲生早是宮鞋鴛小翠鬢蟬輕蟾潤糝梅夜發  
桂熏仙骨香清看姮娥此際多情又似無情

念奴嬌 四聖觀涼堂

吳秋厓

踏破秋痕向虛堂細問新涼蹤跡野客從來無管領  
獨鶴自還空碧紅日重開翠華曾對應恨湖光窄游  
龍別後兩山依舊南北無語野草間花似嗔人問  
萬事今非昔古木蒼烟無限意只有吟魂知得歌舞

百年是非一醉未必西風識浩歌歸去滿船風雨淒  
惻

長相思慢

前人

日折霜蓂寒欺霧幕晴枝淺弄春華驚回綺夢獨擁  
綾衾腮痕微印朝霞倦起心情念風移霜換依舊天  
涯鴈影水雲斜莫相思一點愁賒問橘楚橙吳舊  
香猶在別後襟袖輸他琴心知未許想鈿釵流落誰  
家怕上高樓歸思遠斜陽暮鴉幾多年江湖浪識知  
心只許梅花

清平樂

山谷

春歸何處寂寞無行路  
若有人知春去處喚取歸來  
同住  
春無蹤跡誰知除非問取黃鸝  
百轉無人能解  
因風飛過薔薇

又

朱希真

春寒雨晏花萼紅難破  
繡線金針慵不作要見秋千  
無那  
西隣妹姊丁寧尋芳更約  
清明畫箇丙丁帖  
子前街後院求晴

又

徐山民

綠團紅遠一枕屏山曉  
怪得今朝偏起早笑道牡丹  
開了  
迎人捲上珠簾小  
螺未拂眉尖貪教玉龍鸞

鷓鴣花飛滿粧奩

又

孫花翁

秋娘窈窕夢入陽臺雨  
小別殷勤留不住  
恨滿落花飛絮  
一天曉月落西馬嘶  
風拂羅衣分付許多風  
致送人行下樓兒

又

趙退齋 汝先

錦屏香褪寒隱輕衫嫩  
燕子護泥飛不穩  
庭掩百花難認  
雙雙繡帶微風海棠  
此夜簾櫳愁口一番寒  
食小牕淡月殘紅

又

石瑤林

香搖穗碧梅巧紅酥滴雲浣寶釵蟬墜翼嬌小爭禁  
酒力 繡窓芳思遲遲無端又歛雙眉貪把蘭亭學  
字一冬忘了彈棋

又

後山

秋聲口也葉葉無留意冰葦光流團扇墜驚起雙棲  
燕子 夜堂簾合回廊風惟吹亂凝香卧者一庭明  
月曉衾不耐初涼

又

俞國寶

數聲烏鵲院宇寒蕭索楊柳梢頭秋過却無葉可供  
風落 可人猶有芙蓉向人冷落粧梳雲外征鴻過

畫夕陽依舊平蕪

又

徐枋獨

風韶雨秀春已平分後  
陡頓故人疎  
把酒閑凭畫闌搔首  
□□携手  
蠲青人生幾度  
清明待得燕慵鶯嬾  
楊花點點浮萍

又

許忱甫

鳳雙鸞偶天上  
人間有落玉無聲  
花影瘦  
夜淺春濃時候  
別來幾度  
寒宵六橋風月  
迢迢  
燈下有誰相伴  
一方紅濕鮫綃

又

張宗瑞

新涼窓戶閑對琴言語彈到無人知得處兩袖五湖  
風雨坐中斗轉參橫珠壑碎落瑤觥憶著故山蘿  
月今宵應為誰明

又

羅子遠

明虹收雨兩檠能吳語人在江南荷葉浦採得蘋花  
無數夢中舞燕栖鶯起來烟渚風灣一點愁眉天  
未憑誰刻却春山

阮郎歸

周紫芝

少隱

月榭疎影照嬋娟閑臨小玉盤棗花金釧出纖纖碁  
聲敲夜寒飛電冷水晶圓夜深人未眠笑催爐獸

暖衾鴛莫教銀漏殘

又

徐道暉

綠楊庭戶靜沉沉  
楊花吹滿襟  
晚紅閑向水邊尋  
鶯飛雙浴禽  
分別後忍重臨  
暮寒天色陰  
妾心移得在君心  
方知人恨深

又

孫季繁

滿階紅影月昏黃  
玉爐催換香  
碧牕嬌困懶梳粧  
粉沾金縷裳  
鴛髻儂黛眉  
長燭光分兩行  
許誰騎鶴上維揚  
溫柔醉鄉

又

翁賓暢

月高樓外柳花明  
單衣怯露零  
小橋鐙影落殘星  
寒烟蘸水萍  
歌袖窄  
舞鬟輕  
梨花夢滿成  
落紅啼鳥兩無情  
春愁添曉醒

菩薩蠻

翁時可

元龍  
燒燼靜

春心莫共花爭發  
花開不管  
連環缺  
夢斷小樓空  
杜鵑啼曉紅  
眼看連理樹  
纖手移箏柱  
調偏錯  
成聲無人知此情

又

玉纖閣  
捻花間  
集赤闌干  
對芭蕉  
立蘼葉  
晚生涼  
竹陰移小床  
狗蓮牽藕綠  
藕斷絲難斷  
彈水沒鴛鴦

枝尋波底香

好事近

汴京賜宴聞  
教坊樂有感

韓南潤

凝碧舊池頭一聽管絃淒切多少梨園聲在總不堪  
華髮杏花無處避春愁也傍野烟發唯有御溝聲  
銜似知人嗚咽

又

雷北湖

梅片作團飛雨外柳絲金濕客子短蓬無據倚長風  
桂席回頭流水小橋東烟掃畫樓出樓上有人凝  
竚似舊家曾識

又

劉小山

花底一聲鶯。花上半鉤斜。月月落鶯啼。何處點飛英。  
如雪。東風吹盡去年愁。解放丁香結。鶯動小亭紅  
雨舞。雙雙金蝶。

浪淘沙

吳雲壑 居父

雲葉弄輕陰。屋角鳩鳴。青梅著子欲生仁。冷落江天  
寒食。雨花事闌情。池館畫盈盈。人醉寒輕。一川芳  
草只銷凝。時有入簾新燕子。明日清明。

又

韓子明

莫上玉樓看。花雨斑斑。四垂羅幙護朝寒。燕子不知  
人去也。飛認闌干。回首幾闌山。後會應難相逢。祇

有夢魂問可奈夢隨春漏短不到江南

又豈樂接

裙色草初青鴨鴨波輕試花霏雨濕春晴三十六梯  
人不到獨喚瑤箏艇子憶逢迎依舊多情朱門只  
合鑠娉婷却逐彩鸞歸處路香陌春城

醉落魄

范至能

雪晴風作松梢片片輕鷗落玉樓天半寒珠箔一箇  
梅花吹裂凍雲幕去年小獵灘山脚弓刀濕過猶  
橫槊今年翻怕貂裘薄寒似去年人比去年覺

又

阮娘  
出為成婦

吳夢聰

柔懷難託老天如水人情薄燭痕猶刻西窓約歌斷  
梨雲留夢遠羅幙寒更唱偏吹梅角香銷臂越弓  
消削主家衣在羞重著獨掩營門春盡柳花落

謁金門

盧中之

風不定移去移來簾影一雨林塘新綠淨杏梁歸燕  
並翠袖玉屏金鏡薄日綺疏人靜心事一春疑酒  
病鳥啼花滿徑

浣溪沙

郭從範

幾點胭脂印指紅一雙蛾綠斂眉濃夜寒綃帳燭花  
融勝炷龍涎熏骨冷旋調銀液鎮心忪整鬢羞頰

半嬌慵

清平樂

周紫芝

青春欲暮柳下將飛絮月到堦前梅子樹啼得杜鵑  
飛去人歸不掩朱門一口過了黃昏只有瑣窓紅  
蠟照人獨自銷魂

又

李仲鎮詞

亂雲將雨飛過鴛鴦浦人在小樓空翠處分得一襟  
離緒片帆隱隱歸舟天邊雪卷雲浮今夜夢魂何  
處青山不隔人愁

春光好

張才父

烟濛濛雨濛濛水溶溶帖水落花飛不起小橋東  
翩翩怨蝶愁蜂遠芳口戀餘紅不恨無情橋下水恨  
東風

點絳脣

姜堯章

金谷人歸綠楊低掃吹笙道數聲啼鳥也學相思調  
月落潮生撥送劉郎老淮南好甚時重到陌上生  
春草

又

史邦卿

花落苔香斷無人肯行鷓鴣晚風翻繡吹醒東窓酒  
獨卧甃觥明月知人瘦香銷後亂愁依舊闌損胡

酥手

又

馮可逸

秋滿孤蓬翠蒲紅蓼留人住一簾香縷邊影驚鴻度  
小據胡床舊事新情緒憑誰訴蠟燈屏塵擬共西  
風語

又

吳君特

時霎清明載花不過西湖路嫩陰綠樹正是春留處  
燕子重來往事東流去征衫貯舊寒一縷淚濕風  
簾絮

又

趙野雲

又是年時冷烟寒食梨花院柳金拖線一曲珠歌轉  
翠□雕梁風軟簾通燕何須勸酒豪詩健逸韻今  
重見

浣溪沙

辛亥正月二十四日發合肥

姜克章

釵燕籠雲晚不忺擬將裙帶繫郎船別離滋味又今  
年楊柳夜寒猶自舞鶯鶯風急不成眠些兒閑事  
莫紫牽

又

王輔道

扇影輕搖一線香斜紅初過晚來粧嬌多無事做凄  
涼借問誰教春易老幾時能勾夜何長舊歡新恨

總思量

卜算子

曹元寵

松竹翠交寒。遲日江山暮。幽迳無人獨自芳。此恨憑誰訴。似共梅花語。尚有尋芳侶。著意間時不肯香。香在無心處。

又

俞國寶

剪燭寫香牋。撥火溫寒醕。門外東風將我愁。吹作三更雨。夜夜玉樓心。日日長亭路。豆蔻花開信不來。塵滿金釵股。

浪淘沙

吳雲壑 居父

岸柳可藏鴉路轉溪斜忘機鷗鷺立汀沙只尺中山  
迷望眼一半雲遮臨水整烏紗兩鬢蒼華故鄉心  
事在天涯幾日不來春便老開盡桃花

採桑子

張武子

佳人滿勸金蕉葉夜玉春溫別後黃昏燕子樓高月  
一痕年年依舊梨花雨粉淚空存流水孤村不著  
寒鴉也斷魂

踏莎行

謝明遠

楚樹芊綿江雲蕪漫曉風吹墮梅千片鶯鶯飛去響  
春空平沙月落光零亂人意傷離物華驚換武夷

此去如天遠臨分為我少留連  
柳條猶在江南岸

陽春白雪卷第四終